

Na osnovu člana 50. stav (1) tačka n) Zakona o visokom obrazovanju („Službene novine Tuzlanskog kantona“ broj: 7/16 i 10/16) te člana 72. stav 1. tačka c) i člana 285. stav 2. Statuta Univerziteta u Tuzli (drugi prečišćeni tekst), a u vezi sa članom 20. Zakona o plaćama i naknadama izabranih dužnosnika, nosilaca izvršnih funkcija i savjetnika u organima zakonodavne i izvršne vlasti Tuzlanskog kantona („Službene novine Tuzlanskog kantona“ broj: 11/15) u daljem tekstu: Zakon o plaćama i naknadama izabranih dužnosnika, na prijedlog Rektora, a uz konsultacije sa sindikatima obavljene dana 06.06.2016. godine te pribavljenu prethodnu saglasnost Vlade Tuzlanskog kantona broj: 02/1-05-5273-5/16 od 19.07.2016. godine, Privremeni Upravni odbor Univerziteta u Tuzli na sjednici održanoj 22.09.2016. godine donio je

PRAVILNIK

o izmjenama i dopunama Pravilnika o plaćama, naknadama i drugim primanjima zaposlenika na Univerzitetu u Tuzli

Član 1.

U Pravilniku o plaćama, naknadama i drugim primanjima zaposlenika na Univerzitetu u Tuzli broj: 04-6428-1/15 od 02.11.2015. godine u članu 3. iza stava 1. dodaje se novi stav 2. koji glasi:

„ (2) Obračun plaće zaposlenika sa punim i nepunim radnim vremenom vrši se na osnovu broja sati provedenih na radu, a u svemu prema mjesečnom izvještaju o prisustvu na poslu“.

Dosadašnji stavovi 2. do 4. postaju stavovi 3. do 5.

Član 2.

U članu 4. u stavu 2. riječi: „u iznosu“ zamjenjuju se riječima: „u maksimalnom iznosu do“.

U istom članu iza stava 2. dodaju se novi stavovi 3., 4. i 5. koji glase:

„ (3) U slučaju da neto plaća rukovodećeg zaposlenika utvrđena primjenom koeficijenta za obračun njegove plaće iz stava 1. tačka 1. ovog člana i položajnog dodatka iz stava 2. ovog člana prelazi iznos neto plaće bez minulog rada utvrđene u članu 9. stav 1. platni razred II i III Zakona o plaćama i naknadama izabranih dužnosnika, ista se obračunava Rektor u iznosu koji ne može preći iznos neto plaće premijera, a ostalim rukovodećim zaposlenicima u iznosu koji ne može preći iznos neto plaće ministra u Vladi Tuzlanskog kantona.

(4) Rukovodećem zaposleniku imenovanom za voditelja drugog/trećeg ciklusa studija fakulteta/Akademije pripada položajni dodatak iz stava 2. ovog člana pod uslovom da je na drugi/treći ciklus studija upisano 30 i više studenata.

(5) U slučaju da je ispunjen uslov za ostvarivanje prava na položajni dodatak voditelja drugog/trećeg ciklusa studija, dekan fakulteta/Akademije dužan je, u roku od sedam dana po završetku upisa studenata u prvu godinu drugog/trećeg ciklusa studija, dostaviti Pravnoj službi Univerziteta odluku o imenovanju voditelja drugog/trećeg ciklusa studija i podatke o broju upisanih studenata“.

Član 3.

U članu 7. stav 4. mijenja se i glasi:

„ (4) Ukoliko u toku trajanja nastave u semestru dođe do povećanja, odnosno smanjenja prosječnog sedmičnog opterećenja nastavnika odnosno saradnika u odnosu na njegovo opterećenje utvrđeno na početku akademske godine, izvršit će se korekcija opterećenja sa primjenom od početka akademske godine, a koje se iskazuje na izmijenjenom obrascu „Opterećenje u nastavi“ kojeg je dekan dužan dostaviti Uredu za nastavu i studentska pitanja i Službi za pravne, kadrovske i opšte poslove“.

U istom članu u stavu (5) riječi: „može istu nadoknaditi pod uslovom da je odsustvo trajalo do 30 dana“ zamjenjuju se riječima: „odnosno bolovanja do 42 dana, istu će nadoknaditi pod uslovom da je odsustvo trajalo do 30 dana, odnosno bolovanje trajalo do 42 dana“.

Stav 6. istog člana mijenja se i glasi:

„ (6) Nastavniku ili saradniku, koji iz opravdanih razloga odsustvuje sa rada duže od 30 dana, odnosno duže od 42 dana u slučaju bolovanja, izvršit će se korekcija njegovog prosječno utvrđenog sedmičnog opterećenja od početka akademske godine“.

U istom članu iza stava 6. dodaju se novi stavovi 7. i 8. koji glase:

„ (7) Ukoliko se nastavniku ili saradniku, zbog zamjene odsutnog nastavnika odnosno saradnika iz prethodnog stava ovog člana, poveća opterećenje u nastavi, vrši se korekcija njegovog prosječnog sedmičnog opterećenja samo za period zamjene odsutnog nastavnika odnosno saradnika.

(8) U slučaju da viši asistent bude izabran u zvanje docenta u toku trajanja nastave u semestru, pripada mu koeficijent za obračun plaće prema utvrđenom opterećenju u zvanju docenta počev od dana izbora. U slučaju da je viši asistent u periodu do izbora u zvanje docenta izveo manji broj sati vježbi od njegovog prosječno utvrđenog sedmičnog opterećenja, izvršit će se korekcija koeficijenta u zvanju višeg asistenta od početka akademske godine pa do izbora u zvanje docenta, a što se utvrđuje posebnim rješenjem“.

Dosadašnji stavovi 7. do 11. postaju stavovi 9. do 13.

Član 4.

U članu 14. u stavu 2. riječi: „iz reda akademskog osoblja“ se brišu.

Član 5.

Ovaj Pravilnik stupa na snagu osmog dana od dana njegovog objavljivanja na oglasnoj tabli Univerziteta u Tuzli, s time što se odredba stava 3. člana 2. ovog Pravilnika primjenjuju od 01. novembra 2015. godine, a odredba člana 3. počev od akademske 2015/16. godine.

UNIVERZITET U TUZLI
Broj: 04-6677-3/16
Tuzla, 22.09.2016. godine

PREDSJEDNIK PRIVREMENOG
UPRAVNOG ODBORA

Doc.dr.sc.Kazafer Bečić

